

三
律

石
洲
集



石洲集卷之三

五言律詩

夜坐書懷

世事有如此流光無奈何菊花秋後少虫語夜深多悄悄月侵牖蕭蕭風振柯關心十年事坐數撲燈蛾

夢中作

風雨幾年別相思俱白頭蟬鳴江樹暮鴈斷塞雲秋事往渾疑夢書來更益愁平生少恨斜日獨登樓

辛卯冬在兩宜堂讀書夢得具容手札詩以答之覺後了然記得未解詩



意癸巳秋予在德水具自開西在書
相訊別已二歲矣始覺此詩有驗

舟中作

澤國春多雨孤村浪沒洲重為楫子客却泛黃
陵舟石出回波急花濃側島幽斜陽更奇絕歸
棹故遲留

旅懷

東郡秋將盡西征計又非烟塵關外阻書信峽
中稀古渡寒吹角空林暮掩扉愁時見歸鴈一
背人飛

悼妓

玉骨埋靈鎖金爐罷夕薰
柳藏蘇小宅花繞薛濤墳
一夢秦樓月孤魂楚峽雲
年年大堤草空學舞時裙

客懷

絕岸斜陽盡孤城盡角終
密雲陰下雨喬木暮多風
世事悠悠裏人生忽忽中
向來江海志歸夢水連空

有歎

兵戈今未定何處問通津
地下多新鬼尊前少故人
衰年聊隱几浮世獨沾巾
閉戶風塵際寥

寥寥一春

江漲

江村三日雨今曉報新晴伏枕曾愁寂鉤簾忽
眼明映空鋪雪色蟠地作雷聲坐見垂綸者悠
悠滄海情

旅宿

兵戈今未定世路幾時平江上三年客天涯十
日程荒村依古木盡角隱空城夜入田家宿悠
悠愧此生

宋通川

詩將歸懷德農壟求詩甚急次韻

贈之

避地干戈際抽身簿領間
眼青逢骨肉頭白夢湖山
筋力猶聞健功名已等閑
一樽無事酒隨處作歡顏

九月九日在務安縣沙湖對酒有作

喪亂者今日淒涼異故園
風塵挑竹杖江海菊花樽
古戍遙聞角荒城早閉門
兵戈滿天地漂轉更堪論

用真寺口占亦趙善述

韓續

丁酉暮秋僅脫兵火至用真山逢善述

善述亦有兵火中來執手道舊悲喜倍

常

艱難投古寺邂逅是前緣
既此善述以書期不
謂者今日何由似昔年
深秋霜墮葉寒夜雨鳴
泉欲話平生事無端涕泣然

南州留別

漠漠兵塵起茫茫世事非
江湖人北去時亭鴈
南飛驛路多秋草離亭
半夕暉相看忍別流
淚各沾衣

自河源向首陽途中驢病留巡安村舍時

余新脫湖南之厄氣甚不平

田翁留客宿
瓦牖隱疎籬
葉墜聞山雨
厨喧覺夜炊
驢手技秬
此人亦病於斯
尚有歸心速
鷄鳴問路歧

訪神光寺途中作入寺亦李德餘

騎驢向山寺
落日古城西
怪石斜侵筵
危橋仄渡溪
洞深人未到
林暝鳥初栖
更覺諸天近
伽陵逼耳啼

林子定湖亭次鄭秀才韻

年年此邂逅
萬事水東流
白首傷離合
清尊慣

獻酬夜無孤燭盡人與候虫愁別後夢何處青
山江上樓

過坡州有懷牛溪先生

跡屈世爭咲義高誰得知人心入于彼天道至
於斯寂寞溪堂路淒涼山月詩秋風滿眼淚不
獨為吾私牛溪疾革贈故人詩曰相思一年見意
月好清光依
舊照牛溪

有懷趙持世

趙氏多才子於公見鳳毛詩從倚樓得膽比子
龍豪可惜身名晚休誇志氣高遙憐三畝宅門

巷長秋蒿

次持世韻二首

一室他鄉遠，琴書寄海山。
潮吞平野濶，雲傍古城寒。
旅寓還多病，艱難信少歡。
何當拂衣去，嚴瀨釣潺湲。

避地安吾拙，居然不念歸。
隔籬聞葉墜，遵渚見鴻飛。
忽忽浮生晚，茫茫世道非。
夜來湖海夢，烟雨滿蓑衣。

江都與韓別坐

璿

金判官

止尹

正字

民邊

秀才

慶夜酌

邂逅連宵話天寒葉擁門白頭俱絕域青眼且
深尊盡角山樓迥寒雲水國昏明朝各漂轉愁
絕更堪論

江都客懷二首

水國陰雲積春來暖尚遙寒川冰罨岸凍樹雪
封條浪跡如秦贅霸魏待楚招今年又留滯歸
興謾迢迢

絕域身多病危魂日九外上春猶積雪殘夜更
寒燈故爾愁如海徒然酒似澠苦吟仍不寐歸
夢了無憑

夢訪子敏于山居飲酒賦詩余得一聯曰
入門聞水響移席近花叢餘不記回補

成八句

昨日尋吾友翹然一笑同入門聞水響移席近
花叢酒盡依稀裏詩成彷彿中清歡殊未已歸
夢太忽忽

和持世韻

年年湖海約幾度墮空虛夢裏開青眼春來見
素書禁城寒食後微雨杏花初他日理舟楫問
君江上廬

題沈尚志幽居

特地孤村僻綠溪一徑斜柳晴纔弄色蒲暖已
抽芽歸客欲騎馬主人留茗茶不辭鷄黍約唯
恐失桃花

春盡無雨四月初吉有作

早到今年甚春後昨夜歸燕泥難上此甬階
鯨不成衣餬口身長困為農計却非片雲無意緒終
日掩清暉

送婁鳳還杭州錢塘縣

水接吳天濶山從越地分雲霞靈隱寺花月湧

金門形勝中原最繁華外國聞平生勞夢想送
爾更消魂

仲夏訪趙君兄弟于龍山之江樓留數日
文酒之樂殆七八年間所未有也將散
趙君兄弟各賦詩識別余忽忽未及和
既歸用韻却寄

聚散元常理逢場偶滯滛山如詩骨聳江與酒
杯深萍水此為別鴻泥何處尋唯餘白頭計耿
耿在中心

初秋夜坐書懷

客子悄無睡空堂秋夜深螢從窓隙入虫在石
間吟世路難如此兵戈動至今居然生白髮寂
寞壯年心

七月十五夜對月有懷李子敏

雲烟看漸散星漢坐來微滿地金波動當空玉
鏡飛虫聲喧夜砌露氣入秋衣憶與同袍子清
尊共此輝

余與姜君太初初無一日之雅余嘗寓居
珍原縣之水流村太初以公事入縣走
書於余曰不見面則不通書非吾輩中

事也既而冒雨來訪留一夜詩酒之樂
甚洽未幾太初被擄于賊莫知存沒者
凡三年今太初自日本因華人之還者
上疏于我主上其疏中有遠托異國
昔人所悲之語余聞而甚悲作詩以見
情焉太初名沆為人聰明彊記為文章
下筆滔滔未嘗起草其兄壑死於非罪
太初祭之以文曰黃梁人世百年草草
青史是非千載昭昭讀此文則其人之
所守可知

未盡新知樂居然怨各天鍾儀雖在晉王蠋不
降燕節為看年落盡纔賴鴈傳相思千里夢迢
迢海雲邊

旅舍秋夜

短褐常多病深秋更遠征郊扉違宿計詩句占
靈名草白天霜重林明江月生悲吟對櫪馬誰
識此時情

自歎

道屈吾將隱身危事可驚茫茫撫心跡咄咄念
平生豈是才為累還應醉得名向來長往計今

夕更關情

十二月二十一夜與客數人飲至曉是

曉立春

濁酒還留客青燈坐及晨山寒猶醞雪禽語已
知春草草干戈事悠悠江海人天邊梅柳樹又
作一番新

十二月二十八日金浦途中口呼時鄭子

羽振鄭聖游洛從

莽蒼愁征路遲回怯問津今年纔二日我輩恰
三人霧罷山如畫江寒雪似銀東風將小雨似

欲報新春

纔作餘
怡作偶

雨中簡林正字子慎

懷

寂寞揚雄宅柴門倚斷坡
小園春意早枯木雨聲多
酒興忽如許詩情當若何
寄言林正字明日肯相過

題韓瑩中草堂

山家近寒食風雨作輕寒
隱几當花塢釣簾近藥欄
濁醪初出瓮春菜始登枰
不識幽居好方從此日看

清明日有作

淑氣催花信輕黃著柳絲人烟寒食後鳥語晚
晴時老去還多事春來不賦詩京華十年夢惆
悵只心知

幽居即事寄示天翁持世

幽居少塵事晝日掩柴扉
寫石苔侵筆攀花露滴衣
興來時獨往意適忽忘歸
寄語同心子吾今已息機

春日獨酌有詩二首

水國春將晚韶華處處皆
烟林花淡淡晴日鳥喈喈
久客渾無賴今朝忽有猿
一壺聊自適隨

意坐苔階

今日又云暮百年能幾何詩情病後少樂事夢
中多學道蛙聞海謀生鼠飲河無人問幽獨對
酒一高歌

醉後命室人呼韻

睡起仍無事開牕面小園雨餘觀草性林晚聽
禽言倩婦呼詩韻教兒進酒樽牛年各歸巷吾
亦閒柴門

入山作

落日青驢瘦登登一逕危溪聲如昨夢山色可

新詩寺在蟬吟處
鐘鳴客到時
向來幽興熟
不遣外人知

懿仁王后挽章二首

壺法垂三紀
慈仁浹萬民
鷄鳴齊女曉
鸛轉蜀
輦春月御歸
滄海風旌別
紫宸山陵空
鬱鬱
夜幾時晨

西塞逡巡日
東韓再造年
蒼黃坤道正
終始毋
儀全蘭館方
昭化星軒忽
上仙
孤臣無限淚
沾
洒向秋天

山齋十事為成進士啓作

雨罷天如洗山寒月欲生不知全魄露何似半
輪明地白流螢失林疎睡鵲呈今宵道人意添
得十分清

右東岑晴月

望裡郊墟僻寒烟處處同依微連小浦搖曳逐
流風淡白初籠樹輕青忽掩空斜陽更多事照
作一邉紅

右平野暮烟

漠漠連江雨淒淒落木天疎時斜映日密處遠
和烟暮色近愁望寒聲聞醉眠無端著意添天

八寂寥篇

右江城秋雨

望意連空黑寒威向夕凝隨風潛入戶和雨細
侵燈煖酒壚無火哦詩硯有冰多年布衾冷此
夜轉生稜

右山村夜雪

瓦器形偏古醇醪彌是賢傾銀何乃尔拈碧亦
徒然偶發閑中趣目成醉後眠石田秋正熟聊
此慰殘年

右尾樽濁酒

石洲集卷之三
圃小依林麓畦橫近草亭灌時還抱甕尾鋤處不
拋經韭愛春根白葵憐露葉青摘來供糲飯飮
飯有餘馨

右小圃露蔬

靜室無餘事柴荆晚始開教童洒清水折竹掃
輕埃但喜堦庭淨非關車馬來丁寧莫放手恐
破錦紋苔

右童奚掃庭

閑將卷中字試教膝前兒弄舌初猶澁拈毫竟
不疑喜聞鸞語好驚見鴈行奇遠恠陶彭澤空

題責子詩

右癡孫學字

玉字心長念金編手自拏
籤懸憐整整帙散任斜斜
滿眼皆仙訣開身是道家
從來呂夫子用此作生涯

右道書堆案

朝來烏鵲喜今夕是何辰
在座非新輩連牀即故人
劇談遺俗物孤笑發天真
更有盈尊酒襟期轉覺親

右親朋在座

送胡秀才復歸越中

海上初分手相思過半年如何萬里別又是九
秋天百越山重阻三韓地一偏前期未可卜頭
白此離筵

別後

有客歸南越征帆帶夕暉途窮還此別歲晚欲
誰依九月清霜重孤城黃葉稀那堪相送罷寂
寞掩柴扉

自歎

韞也龍鍾甚經秋守竹扉田園為計晚功業興

心違未有玉堪獻更無金可揮寒天登遠道只

著去年衣

時將有湖
南之行

途中

暮經潯水驛

驛在永禮縣
南十餘里

宵越宿星山

山在南
府南

二餘里

自分長辛苦那辭此儉艱澗寒水折骨風

緊雪吹顏更想吾廬好爐薰晝掩關

客中上元書懷

草草南州客愁邊歲又新微雲能掩月小雨不
開春亂世還今夕窮途抵此身平生木上座頭
白轉相親

題李主簿濟湖亭與子敏同賦

為愛君家好留連更賦詩捲簾江雨細隱几野
雲遲水國元千里山光自四時平生卜隣計付
與白鷗知

哭具金化容

不謂遽如許問天胡喪予嬾涼朝露曲寂寞夜
臺居高適詩日夜臺何靜念平生二語重尋次篇
書向來憂世志牢落轉成虛

寄呈二梧亭主人

處世享清福主人真少儔傾家買絕境卜宅近

滄洲院靜桐陰夕池涼荷氣秋鳴琴與斟酒無
事不風流

九日懷抱甚惡

此日還愁思浮生亦可傷林風響枯葉山雨入
虛堂薄酒不堪飲寒花空自香無人慰幽獨心
事轉淒涼

大興洞作

經行二三日幾度到雲林石瘦蒼苔古蹊回黃
葉深澗聲晴作雨山氣晝生陰忽聽林端磬悠
悠塵外心

一作生
隱心

朴淵

絕壁當天險仙源衮衮來寒陰吹洞府倒影落
泉臺白日能飛雨青山自出雷平生為雙眼到
此不知回

早發龍泉有作

一宿龍泉館鷄鳴更問歧谷虛人語響橋拆馬
行危俗學終何賴浮名只自欺前途猶萬里不
敢計歸期

次使相納清亭韻

忽覺邊城近仍知節序移東川氷塞岸枯木雪

封枝酒薄堪深酌
亭寒且少時
吾行不落莫
隨處有新詩

新安館次使相韻

世紛遽如許
鞍馬敢辭疲
去矣成何事
徒然辨此癡
浮生隨物化
古意逐年衰
勿謂官醪薄
團藥不亦宜

次宣城客舍

謝眺分符地
停驂為一過
柳邊西北路
堤外兩三家
歌枕水聲遠
捲簾山色多
所嗟逢歲暮
無處覓春華

石洲集卷之三
龍灣逢仲氏韜

京口分離後音書久杳茫相思今幾月茲會却
殊方雪裡生春色天涯似故鄉仍懷倚門望喜
極輒悲傷

次韻南窓金成謝使相惠鯉魚卵

忽喜真珠顆無端到客邊山肴何足數海味此
為偏的的光能紫盈盈體更圓分明泉客淚初
自水宮傳

奉送謝恩使書狀金公趾

春愁不可道滿眼芳草生况為開外客更送天

涯行鴨水既浩蕩鵲山亦崢嶸相失各萬里中
心那得平

題降仙樓

千年楚王峽形勝愜前聞水石分青野樓臺出
紫氛山疑屏裏畫人是夢中雲欲賦高唐事慚
無宋玉文

述懷寄宋天翁

此意憑誰道平生上有天輕知身是夢聊用酒
為年物議隨時異人情逐勢偏吾聞宋榮子萬
事一猶然

江漲

伏枕愁多雨，開門喜近湖。
微茫沙岸小，迤邐水村孤。
蹴地雷聲轉，連空雪色鋪。
何當理舟楫，乘興到蓬壺。

沈監司

勝挽詞

一代論人物，英才少似公。
艱難知苦節，盤錯見奇功。
聖主方加眷，私明忽告凶。
傷心仗鉞地，棠葉落秋風。

題林子寬

百花亭

早得安身法，如君更幾人。
一丘堪避世，小塢可

藏春酒後新詩好琴中古意真多慚走歧路羸
得滿衣塵

題送老堂為杏村酒隱作

此老今誰似能知養拙尊竹藏挑竹扶身世杏
花村地僻山圍屋沙塵水到門茲焉可卒歲餘
事任乾坤

示玄翁趙續

問子何來此空山白竹扉夢中鄉路近江外故
人稀歲暮鳥爲瘦天寒燈燭微相看俱白髮重
覺寸心違

夜坐又示玄翁

靜念平生事于今幾折肱空山十月雨破壁二
更燈心似傷弓鴈形如入定僧那堪正寥落離
眼暗相仍

大風用玄翁韻

萬里塵沙漲千山鳥獸號江河翻地脉林谷吼
天牢向晚聲初壯中宵勢益高幽人坐深室不
寐聽松濤

哭古玉鄭先生 碣

歎息神仙表平生夢想中大名詩價重浮世酒

壚空天欲窮吾輩人誰惜此翁一哀無限淚回
首向西風

醉賦示李實之春

節序遽如許浮生知幾何秋風捲溪雨暮鳥集
庭柯酒量吾差大詩才子患多向來飛動意相
見各蹉跎

附次韻

作別已多月相逢如老何朝端皆鼎貴歲晚
守枯柯帶郭雲陰重連空雨氣多平生詩酒
興從此莫蹉跎

次韻李端川子敏見寄

賤子人誰記，慚君枉短章。即今身潦倒，依舊酒
顛狂。節序風霜惡，音書道路長。何須問心事，舉
目祇堪傷。

題呂氏林亭

呂氏棲遲處，林園喜寂寥。澄江宜落日，古木記
前朝。野店皆依岸，春潮欲沒橋。何當來卜築，詩
酒費招邀。

遊修證寺

曾聞修證寺，乃是古叢林。偶爾踏初地，悠然諧

宿心水喧知石亂
逕盡覺山深已此發清省更
聽鍾磬音

贈李佐卽

敬李江陵人也

歷歷江陵事憑君更一聽
家人多習禮士子盡
通經水作天然白松留太始
青何當借隙地送
老此林垞

宋子清

後妻氏挽章

結髮歸名族溫溫有德音
可憐芳歲歇此去夜
臺深剝落齊眉案淒涼在
御琴吟吟小兒女隣
里亦沾襟

題草堂

躡躑風塵際，棲遲水竹間。
敢論名位晚，徒覺髮毛斑。
堰石留清澗，開窓納遠山。
小詩還自課，生事未全閑。

堰一作擁

漫題

卜地依清澗，開軒對小塘。
窓虛山入座，簷短雨侵牀。
得意乾坤闊，無營日月長。
唯餘詩酒習，老去益顛狂。

岑上人送紙索詩

好踏佳山水，平生幾兩鞋。
清閑君也獨，汨沒世

應皆彼岸難容到真空可得偕老夫才力退深
愧水松牌真空一作諸天

送朴監司子龍東亮赴開西二首

夙昔瞻風裁平生仰盛名芳年五鼎貴昭代一

家榮榮戟臨西土連闡近古京黃州好樓閣想

見二難并

長公為養方牧黃州州之去平壤僅一日程故篇內及之

國倚藩維重公今節制尊流傳箕子片形勝大
同門開樹秋先落邊雲暮更繁遙知渭水上歌
吹候行軒

題德陽遺稿後次陽谷韻稿乃奇公遵所著

清詩有餘韻一讀一悽然立道曾多難吾生後
幾年從知苦士志不受衆人憐欲作投湘賦
城何處邊

奉和館伴李五峯

好閔相公惠韻

步屨乘清曉風歌鬢上紗敲門看脩竹歸路踏
殘花野店深春雨江天薄暮霞此時冲逸老書
札到貧家

新晴獨遊後園

晚起身無事荒園獨杖藜泥晴蚯蚓出林暖鶉
鳴啼道味閑初熟詩情老轉迷他鄉少親識誰

問此幽棲

卜居

故里歸無計他鄉且自寬繩床煩地主

陳簡齋詩云聊

後地主

借繩床菜把謝園官

杜工部有園官送菜把詩

課隸肩山木

邀人看藥欄浮生聊爾耳未用憶長安

西楹外故有棄地方丈餘蕪沒冇年今春

余抱病不出回命小僮荆荒穢夷嶇嶮

雜植梧桐篠蕩花卉之屬以為流憩之

所而名之曰西臺紀以短律

築土西軒外為臺占地宜小梧初吐葉新笋欲

抽枝不有今年病爭成此段奇但令樽酒在猶
足慰栖遲

重陽

令節不宜負朝來秋興長酒後前夜熟菊是故
園香栗里籬邊醉龍山座上狂神交付真漠異
代可相忘

送南坡沈公悅按節湖西

海國雄藩翰人才倚棟櫟別筵後悵望前路極
輝光地入扶蘇盡江從濯錦長遙知行部處春
色滿甘棠

松棚

小屋茅簷短，偏愁溽暑侵。
聊憑歲寒葉，偷得午時陰。
露曉看瓔珞，風宵聽瑟琴。
却憐卿相宅，徙倚畫堂深。

次韻謝朴明府子真東九日見訪

悄悄意不適，采花香滿衣。
那知枉車騎，忽此問郊扉。
酒重誇秋事，林昏惜暮暉。
還同晉山簡，醉自習池歸。

途中作到公山示汝仁吟契

最發細橋北路緣，雙嶺間馬愁穿葦。
確入喜聽

潺湲遠樹分孤驛遙程指亂山平生倦行役秋
日復江關

秋夜旅懷

久抱幽棲志無端落遠鄉艱難隨世務羈旅費
年光一雨催秋晚孤燈照夜涼分明故園夢風
露滿西塘

題舍弟汝顯郊居

吾弟東山秀林泉好卜居生涯滿尊酒心事一
林書步屨松陰靜焚香竹雨疎多慚走歧路歸
興負匡廬

題宋村宋林川幽居

久識幽居好柴荆卜地偏幾年勞遠夢今夕了
前緣竹影秋宜月林霏夜作烟相看耿不寐山
果落尊前

次友人雨中見懷韻

青蛙知雨候閣閣開官池濕燕多依棟寒蟬獨
抱枝身慵偏暑睡吟劇或成詩最愛團蒲靜茶
烟惹髮絲

將歸示友人

宇宙空搔首風塵幾折肱浮沉元有數離合忽

石州集卷之三
二十四
無憑八月孤城雨清尊半夜燈明朝北歸路愁
殺亂山層

次友人贈別韻

去去終奚適栖栖不自謀有誰容懶性無地免
羈愁白首多年別清尊十日留浮生如落葉分
散錦江秋

自清輝至細橋終日行泥濘中

世故令吾病征驂犯曉寒未經今日苦誰信此
途難濁水高齊膝青泥躍上鞍天時正如許后
土若為乾

途中口占

瘦馬緣林麓崎嶇一逕斜
山寒餘臘雪溪淺露晴沙
夢裡秦京遠天邊楚驛賒
恐教歸日緩孤負五陵花

再宿姜太初溪堂次其韻

再宿煩溪老終宵聽水聲
此生長汨沒浮世幾逢迎
歷歷眼前事悠悠身外名
百年湖海酒聊復對君傾

附元韻

三月清明雨春泉夜有聲
故逢天下士渾似

夢中迎嗜酒者真性論詩愧大名一生能幾
見惟恐曙河傾

題高逵夫_弘幽居

一別身仍遠重來歲已華無端半夜雨更發幾
枝花古縣山圍野春塘水後沙知君好看客忘
却在天涯

白蓮寺夜坐書懷

院靜僧初定山晴月更多踈螢依亂草暗鳥集
深柯壯志餘孤劍窮愁且短歌京華有兄弟消
息定如何

詠史

戚里多新貴朱門擁紫微
歌鐘事遊讌裘馬闔
輕肥祇可論榮辱無勞問是非
豈知蓬屋底寒
夜泣牛衣

十一月十三夜夢至一處頗有林泉之勝
茅屋數間幽絕可愛壁上有詩曰受諧
來物議發矢失同的旁有人曰此屋乃
故相思庵所居詩即相公手題也余不
解詩意徬徨吟咏忽得一句云故宅烟
霞裏行人水石間篇未就向人報曰相

公至矣余惶懼走伏竹林中俄而有老
人布衫草履癯然步來以杖叩竹林曰
吾竹已枯矣因朗吟曰萬里歸來仍此
地百年何事定非天吟訖不見余亦驚
寤時夜將半風雪交作令人愴然起感
遂取夢中所得足成四韻

皎皎冰壺質真宜玉筍班中年辭爵祿卒歲飽
清閑古宅烟霞裏行人水石間九原安可作徒
此仰高山

送李子敏赴任潭陽

虎竹分南服，慈顏慰北堂。向來勤奉養，此去轉
輝光。路接湖天闊，梅生野館香。幾時行部罷，書
疏問滄浪。

舟次餅潭

薄暮接魚店，平明問水程。經過知俗態，飄蕩愧
浮生。宿霧輕初散，晴灘淺更鳴。羣山看漸遠，回
首一含情。

尹甥

雲

從余于江都請寫

先人習齋詩

集及余拙作凡數百首以歸賦短律為

別

石洲集卷之三
似舅真知忝後來宅相賢却從湖外地相訪海
西堙詩句吾家事風流爾輩傳為將江鮑體書
與兩三編

送金生赴德川任

聖代知名士騷壇第一豪相門清議重親策
甲科高驥足宜千里牛刀且暫勞行行樹佳敘
佇見璽書褒

寄同福妻氏挽章

巨閥風流遠貞姿淑氣鍾一兒能記馬兩婿各
乘龍大化人誰脫歸魂路幾重遙憐閨裏月留

照若堂封

次鄭公述

宗湖亭韻

清江抱危閣水氣作微寒
檻靜賒晴月簷虛納
遠山寧紆長者轍聊考碩人槃
莫話功名事浮生也等閑

送李都事

慶赴咸鏡道

去去關河遠看看世道非
風波一失所社稷幾
沾衣驛路吟秋草離筵惜暮暉
邊霜催早鴈音信莫令稀

用東槎後會聯句韻

懷望開西路平生淚上遊人烟箕子井花月謝
公樓虜酒春初熟賓筵夜不收誰憐十載後白
首坐窮愁

子敏臺山讌集和諸公韻四首

夢裡龍灣會尋思尚宛然笙歌沸城郭羅綺豔
神仙好事追無路清秋復此筵却愁高宴罷明
日隔天淵

坐客多是
開西舊遊

弱歲追遊密羈棲契闊深郊扉曾夜叩江岸憶
春臨出處俄殊跡浮沉祗此心重來讀書處松

桂尚木森森

少時與子敏
讀書于此

平臨曠漠野高近蔚藍天白日低林杪清江動
席邊依稀漢陽樹指點廣陵舫勝地寧無主浮
生亦有緣

勝地宜登覽清尊更引人風烟迷近甸舟楫控
遙津興逸寧辭酒顏衰暫借春不須嫌屢舞飄
盡滿衣塵

黃秀才載坤挽章

一死人皆有唯君最可哀子安方弱冠長吉更
多才璧月沉滄海文星落夜臺應餘膝下戀魂
魄倘歸來

李谷山

希母氏挽章

淑慎膺多福康寧過七旬那知潔殮日忽罷彩
衣春濫醉陶家酒偏依孟母隣忍將雙眼淚沾
洒素車塵

偶題

老去仍多病生涯任陸沉雲山千里夢霜鬢百
年心晚雨鶯聲滑春江柳色深如何豔陽節悄
悄動悲吟

石洲集卷之四

七言律詩

登摩尼山天壇用牧隱韻

捫蘿直上海山頭坐送江南萬里舟
牧老舊題餘板在檀君陳迹古壇留
分明日月臨玄圃浩蕩風烟沒白鷗
天地有窮人易老此生能得幾回遊

沔陽示李子敏

雪深虛館不勝寒慚愧情人數往還
末路困窮唯我獨丈夫軒輊似君難
孤燈說舊夢中夢落

日望鄉山上山聞道驛梅春欲動可能交轡向
長安

別子敏用前韻

病卧殊方歲已闌可堪今夕送君還人生到此
分離苦塵世從前會合難日下故園千里夢天
涯歸路萬重山秦中舊侶如相問終作遼東管
幼安

附次韻

惜別燈前語夜闌故都千里一身還同憂已
是兼衰疾相响誰能救急難交道唯吾淡若

水人情乃爾險於山何當共作潯陽隱客膝
蝸廬占易安

古林風叫夕陽寒
烟外雙雙宿鳥還
聖世只今戎馬亂
故人於此別離難
孤舟泛泛天連海
匹馬遲遲雪滿山
惆悵水雲相望處
定應無使報平安

再用前韻

窮陰漠漠朔風寒
詞客南征且未還
萬事糾紛容鬢換
一身迢遞路歧難
耳聞湖外年年鴈
足繭天涯處處山
欲就新詩轉愁絕
撚髭終日費

吟安

仁上孤村水色寒平林落照見鴉還身仍病後
開門少詩欲成時下字難千里旅遊生白髮三
年鄉國隔青山只今民社堪垂淚何日朝廷起
謝安

讀周子通書邵子觀物篇感而有作

禮門仁宅久榛蕪千載歸來得大儒霽月光風
周茂叔天心水面邵堯夫當時獨解先天學後
世空傳太極圖小子愁今迷所向茫茫歧路泣
揚朱

次韻舍弟韶見寄

節序看看二月闌東風無力野梅殘江臨黑石
春波濶山對青溪暮色寒病後尚吟青玉案老
來空負紫金丹明年定入桃源去莫道人間行
路難

海村雜興

秋墟寥落動寒砧遠岸蕭蕭楓樹林小邑依山
雨偏足孤村近海天常陰野童擲蟹溪潭冷江
客射鳬蒲葦深落日翩翩雙白鶴背人飛去故
哀吟

海州神光寺酬蘇公詵見寄韻

浮世功名已謬悠
林泉聊可慰窮愁
秋風赤葉寒溪水
落月疎鐘古寺樓
達士以閑為好事
殘年唯懶是良籌
何當共結香山社
斗酒詩篇爛熯遊

夢行松京有作

繁華無跡有山河
觸目其如感慨何
太液枯荷秋色老
禁林寒葉雨聲多
宮烏愛啄金盤露
野鳥能吟玉樹歌
瘦馬獨來還獨去
不堪斜日照銅駝

途中書懷

客中贏得髩星星，愁似醇醪醉未醒。
落日危橋深淺水，寒天落葉短長亭。
青黃不到溝中斷，枯槁誰憐澤畔形。
舊喜讀書今不讀，夢魂長繞海山青。

早渡碧瀾

江上鳴鳴聞角聲，斗柄插江江水平。
明早潮侵岸，鴨鵝亂遙舍。
點燈砧杵鳴，客子出門月初落。
舟人掛席風欲生，西州千里自此去。
長路險難何日平。

石州集卷之四
四
近城客舍寄人

兵塵何地可安栖已渡西江更向西
兩地別愁容鬢換七年歸夢道途迷
空城盡日無人到舊國殘春有鳥啼
風雨一番寒食過不堪回首草萋萋

呈湖西李兵馬使

將軍勇銳冠三韓曾次堂堂萬甲蟠
落日建牙烽櫓密曉天吹角戍樓寒
功登竹簡威聲赫戰苦沙場血色丹
自笑謾懷投筆志十年憔悴戴儒冠

贈湖南親友

兵火倉黃記去年中間消息兩茫然一身竄伏
曾無地萬死歸來却有天亂後郊原惟古木客
邊時序又寒蟬相逢更起存亡恨莫怪臨觴淚
迸泉

題林子中陣中

畫角吹開萬竈烟陣橫雲鳥壓山川赤光在地
戈麾日白氣漫空劍倚天未著組鞭吾老矣欲
授班筆意茫然可憐玉帳秋宵夢還繞西江舊
釣船

寄車五山

陸沉霜髮意如何
長夜空吟白石歌
西海窮途悲涕泗
七年浮世厭干戈
後凋子已依松栢
初服吾將製芟荷
莫遣音書長寂寞
江湖秋鴈近來多

述懷示五山三首

異鄉寥落寡朋儔
客夢遙尋漢北州
萬事只知歸去好
七年空賦伴牢愁
地連故國山圍野
門對寒江浪沒洲
林壑未成長往計
幾回招帳挂花秋

十月孤村已滌場時危人事自栖遑三更催稅
此州吏萬里負戈何郡即戰檄交馳塵漠漠哭
聲直上天蒼蒼寡妻群盜正如此悵望南雲摧
肺腸

客居無奈寂寥何日夕唯聞樵牧歌塲圍歲登
鷄啄黍陂塘水落蟬橫戈紛紛世事霜凋葉忽
忽年光露瀉荷曳杖出郊時極目不堪歸路晚
山多

江都別柳善甫兼簡鳳山太守

八年離索鬢俱蒼賦罷停雲幾斷腸忽漫萍逢

還此別可憐蓬累更何鄉
雪消南浦春初動
天接西關路正長
與報鳳州張太守
幾時書札及滄浪

送別林子慎赴廷試之舉

知君此去氣無前
直向蓬萊拜列仙
已道龍泉初出地
更聞鵬翼欲垂天
上林樹色和春雪
長樂鐘聲拂曉烟
雲路若逢相識問
濁醪鹿飯送殘年

再到鎮江題村舍

憶曾流落此江頭
客裡還成爛熯遊
詩罷野亭

花繞席酒醒山寺月臨樓七年聚散身如夢萬
事浮沉髮欲秋騎馬獨來尋舊迹碧雲芳草思
悠悠

賀林子慎登第

聞君自致青雲上一日聲華動四方人誦佳篇
喧洛邑詔隨飛蓋出明光春深禁掖鶯花鬧酒
送仙孟雨露香白首久無軒冕意彈冠今却為
王陽

寄李子敏先達

時擢連試
科第一名

君隨織女渡天河咫尺星長手自摩丹桂壓頭

香龍帽青雲擁路色侵靴日斜清禁傳金榜花
滿春城響玉珂何似孤舟釣魚處碧波無限白
鷗多

雨行

不堪歸興太生濃蓐食催程趁曉鐘短夜甌羹
羸馬倦崇朝躋險小僮孺崩沙擁路還登岸急
雨渾山不辨峯回首偶看雲缺處忽驚斜日已
高舂

次韻答實之

高才莫歎積薪場萬事端宜信彼蒼君我有青轡

同子敬君垂白髮似馮唐浮生閱世驚年促旅
館逢秋怨夜長舉目故妨人作樂誓將歸老水
雲鄉

別後又用實之韻

詩篇樽酒憶逢場聚散開心鬢欲蒼老鴈重雲
天錯莫秋燈虛閣夜蒼唐十年江海人空老千
里開河夢亦長見說邊頭多警急好將書劒早
還鄉

實之向嶺北余歸
江都故五六及之

暮歸

夕日已入群動息烟沙露草迷荒原虎嘯陰壑

夜風烈狐鳴空林秋月昏流螢閃閃疑鬼火老
樹曖曖知山村冢僮出迎把兩炬枝間寒雀驚
飛翻

陶通判別章二首

月汀相公所命通判
名良性晉陶潛之後也

太尉勲名照八垠

晉陶侃官
至太尉

潯陽高節更無倫

晉書
陽柴桑人也

九門飛上平生夢五柳歸來自在

春青史舊欽名世士白眉今識出群人
衣衣忽似鴻遵渚不許凡蹤託後塵

四海堂堂蓋世豪幾年東土獨歎

一作賢勞又從

紫極回金節長使青丘戀繡袍
霜落薊門秋葉

下月臨遼塞朔雲高應知此去三千里萬古風
烟入彩毫

吳都司別章代人作

高才自是萬夫雄緩帶輕裘有古風曾見斬鯨
波已息此行探虎穴應空春天玉帳梅花外落
日樓船海氣中聞說南邊多警急官軍回首望
吾公

春日有懷

綠楊如畫弄晴暉深院蒼苔書掩扉燕子歸來
春寂寂杏花零落雨霏霏心還舊國身猶滯夢

對清樽覺却非京洛故人休借問十年江海淚
盈衣

首夏村居睡起對酒

茹馨偃卧腹便便任使諸生笑孝先萬事忘懷
唯夢裡百年得意是樽前正聽布穀鳴桑樹忽
見春鋤下水田苔蘚滿庭晴晝永不妨終日枕
書眠

書懷

故知天意薄浮生險阻艱難實飽更萬事外除
都外物一身譽毀恣雲名文章不免有氣猿

寓豈能無越聲半夜悲歌頭欲白赤憎燈火向
人明

再宿靈通寺

寺為兵火所燒
一殿巍然獨存

昔年曾向此間行余遊于此夜上西樓聽水
聲溪月欲沉秋樹黑佛燈初盡曉鐘鳴
劫驚浮世塵路開心歎此生山意似知曾
宿客故將雲雨掩歸程是日有雨

遣悶

絕域淹留歲月催白頭愁寂望鄉臺
寒潭夜識魚龍氣古渚秋聞鴻鴈哀
兵甲定來民更苦俊

賢登後事堪咄少年相識今要路一寄封書久
未回

讀杜詩偶題

杜甫文章世所宗一回披讀一開胸神風習習
生陰壑天樂嘈嘈發古鐘雲盡碧空橫快鶻月
明滄海戲群龍依然步入仙山路領略千峰更
萬峰

滿月臺

登臨忽覺意悽悽興廢人間事不齊宮樹有霜
秋葉落土城無堞暮雲低可憐觸陛成樵路誰

遣龍池作稻畦此地繁華君莫問只今唯見夜
烏啼

登百祥樓

江上飛樓近碧空獨來臨眺思無窮天低草樹
微茫外地入雲霞縹緲中宇宙此生都夢幻山
河終古幾英雄簾旌不動斜陽盡欲就新詩愧
未工

次使相韻

俗語令人頭觸鼻麴曲韻可與忘形百年憂樂
身如夢萬事乘除髮欲星只把詩篇供謾興要

尋泉石寄餘齡中宵坐念平生計風滿踈簾月滿庭

贈洪判官義有

羨君投筆事弓刀八尺堂堂意氣豪壯士要復探虎穴奇才况復蘊龍韜莫嫌佐郡親敲朴會見登壇擁節旄肯似吾人淡生活苦吟終日但含毫

洪既登進士棄文就武方為義州判官

次友人韻

澤國春深鴈影稀遠人猶著臘前衣鄉關渺渺無消息塵世紛紛有是非何處小桃臨水岸即

看新燕入山扉晴窓忽作還家夢門外垂楊綠已肥

次崔天使

廷建

途中感懷韻代遠接使作

仙旆乘春轉海馭東風花柳滿長途留連酒賦聊隨俗整頓精神在省吾身外求名都幻妄靜中觀物本虛無吟詩不用愁肝腎學到忘言是丈夫

春晴官柳綠初敷玉節翩翩向漢都使事不論行邁遠嚴程寧歎歲華徂諮詢謠俗雖無暇點檢身心祇在吾花錦草茵俱可賞不妨隨處着

工夫

別顧天使

天峻

代遠接使作

江頭細柳綠烟絲
暫駐蘭橈折一枝
別語在心徒脉脉
離杯到手故遲遲
死前祇是相思日
送後那堪獨去時
莫道音客便長隔
百年還有夢中期

元上人將遊楓嶽詩以贈行

人言楓嶽是丹丘
萬古巉岵碧海頭
懸瀑斷崖多秀絕
佛堂禪室可淹留
石門長照綠蘿月
琪樹不知紅葉秋
塵土幾年勞夢想
羨君蹤跡去

悠悠

送李重卿

顯英

佐幕開北

東風行邁正迢迢
征蓋飄搖駟馬驕
開路八天春有雪
驛亭邊海夜聞潮
傳孟幕府催過鼓
觀獵陰山試射鵰
莫歎詞臣屈
參佐會看徵札下
雲霄

清明

東風吹暖艷陽天
病後逢春却自憐
燕子入簷
仍舊壘家
僮乞火是新烟
催花小雨知佳節
闌草閑遊記少年

國俗小兒有闌草之戲
與中國所去者不同

景物不

殊人已老更能聞健向尊前

途中遇小雨宿天燈村

朝來暑氣忽淒清
小雨冥濛滿去程
看霧始憐纔有色
入林還覺細無聲
簷間語燕應愁濕
葉底鳴鳩未喚晴
夜宿田家聞喜語
不知行客怯晨征

次李實之韻

擊節高歌猛虎行
人生頭白竟何成
今朝挂笏看雲氣
昨夜連床聽雨聲
聊把酒杯酬暇日
敢將文字闢虛名
君詩白壁無瑕纓
價重秦王十

五城

又用行字韻求和

世路羊腸未易行可憐辛苦欲何成
年來倚着如秦贅客裡呻吟有越聲
微祿只堪供酒債此心初豈在榮名
應須卷取詩書去終學龐公不入城

附次韻

蹢躅難堪獨自行屠龍藝元竟無成
黃鍾牛鐸誰同調布鼓雷門謾一聲
旅館入秋驚客鬢微班通籍笑浮名
故山芋栗時將晚何日

歸驂却出城

奉別禾谷鄭公按節海西

即今宵旰重西方
方面雄材較孰長
俗喜動搖須鎮靜
事多騷屑貴商量
為煩公試澄清轡
要使民歌蔽帝裳
簿領侵尋應少暇
肯容書疏及滄浪

解職後題

平生樗散鬢如絲
薄宦淒涼未救飢
為問醉遭官長罵
何如歸赴野人期
催開臈甕嘗新醖
更向晴簷閱舊詩
遣諸生深閉戶
病中唯有睡

相宜

送林子慎赴統制幕

送君南去路悠悠
元帥營臨地盡頭
男子要為天下用
兵家須仗幕中籌
詩成野館梅花暖
角罷轅門海氣收
未脫儒冠吾已老
春風回首更公樓

記夢

夢泊孤舟江水涯
柳邊一迳斜復斜
溪東溪西浣紗女
巷北巷南沽酒家
淺沙初茁小蒲葉
遲日欲睡甘棠花
恰向橋頭謀一醉
奈此閣閣官

池蛙

送丁內翰奉使嶺南

纔看石室罷紬書又向江南萬里餘
賓館凍醪窮牘後驛程殘雪上春初
遺風可揖金烏老古蹟應經白露墟
與問星州賢太守官梅詩興定何如

時友人洪輝
世為星州

題德陽遺稿後次蘇齋韻

往事傳聞古老言欲傾東海沈深冤
至今賸馥留天地能使餘輝皎子孫
澤畔共憐曾謫處洛陽應有儻來魂
平生我亦剛腸者每把遺編拭

淚痕

病中幽懷

春來伏枕動經旬
藥餌扶吾備苦辛
晨旭入簷禽語好
午風吹樹雨聲新
書空咄咄慙浮世
合眼依依夢故人
誰識病中危得道
此心隨處露天真

次梁天使

有韻

試向沙邊駐彩車
江村烟景綠陰初
已催玉笋傳香醕
更遣金盤薦白魚
舞影亂侵河伯室
歌聲清徹水仙居
忽看芳草晴川句
捲取湖山地

有餘

次韻謝朱天使

之藩

惠示蕊秀山所作長律

古洞香風吹碧桃
仙翁浥露弄柔毫
銀鉤落紙驚回鳳
硬語盤空掣巨鰲
嘉貺詎宜歸俗子
醉心渾似酌芳醪
平生遠慕滄洲老
丹穴今看五色毛

朱文公嘗自號滄洲病

色毛雙上使即文公後裔云

次朱天使謁

聖韻

百家諸說莫徒繁
一脉真源在聖門
妙括乾坤元莫測
明懸日月更何論
梯航萬里風聲遠
俎豆千年禮意存
多謝使華珍重意
為將心法奉

東藩

次梁天使謁

文廟示諸生韻

青衿肅穆競葵隅為向橋門謁大儒學貫精粗
方是道行違忠孝安非夫黠狂詭肯同三子參
唯後知在一呼略把微言警多士如公善誘向
來無

家牒蒿成題于卷尾

羅王聖骨是吾先
西始鳴鶴事渺然
錫邑今方三七代
開邦舊已一千年
翰林詞藻風聲遠
僉議尊榮福慶綿
中子坦然憂失墜
錄為家牒要

流傳一化 世 年 三 十

寄洪察訪

樽前每憶接歡初，聚散無端髮欲疎。
君似馬曹寧記馬，我知魚樂且觀魚。
風塵動作三年別，關塞空傳一紙書。
想得春來多好句，郵筒能問野人廬。

江村病後

病人門巷可張羅，頭上光陰任擲梭。
江鷺受風飛去便，岸花經雨落來多。
語作晴鳥巧當幽處
濁醪飲甬禁愁得佳郎如，吾不飲何暫向此窓。

成一睡夢中無限白鷗波

成通判

準

為其大人求陞海亭詩得青字

湖西形勝此名亭高壓鰲頭俯鶴汀
萬里山河扶棟宇四時風月衛旌櫺
寒聲蹴地波濤壯秀色浮空島嶼青
更覺天文近南極尊前長對老人星

自懷川回公山途中作

三宵魂夢在江干歸騎寧辭此路難
山木欲誇秋色好松風併入雨聲寒
愁緣石棧藤纏足怯渡沙灘水及鞍
強把新詩記行役詩成還復費

吟安

冠南亭次韻二首

飛樓迢迢出重霄，怯跨危梯步步搖。
斜瞰市車天闕逼，俯臨仙島海門遙。
人烟罨地渾疑盡，草色迷空僅辨橋。
送了夕陽迎素月，獨憐松韻鬧深宵。

千尺危甍近九霄，登臨除是借扶搖。
雲中秀色峯巒出，海上晴霞島嶼遙。
最好倚欄看北斗，不關行藥到東橋。
山城角罷人初定，竹月松風共一宵。

觀瀾亭次趙怡叔

希韻

為柳僉知

春題

踏石穿林一徑遙
忽看危構勢矜驕
烟中樹色分回渚
兩外帆風逐暮潮
二月鶯花渾滿地
千峰蒼翠欲摩霄
主人飽受清閑福
長把琴尊了夜朝

次熊天使

化

食橘韻

嘉樹從來出南國
誰令美味落吾唇
叢叢綠葉紛堪喜
箇箇金包訝許勻
芬藹蘭年猶未沫
嫩姿涵露久能新
絕勝西蜀櫻桃實
相贈均龍賴野人

次熊天使漢江韻

仙遊忽忽夢纔回詩比明珠敵十枚氣挾元龍
凌百尺名高大陸患多才一邊晴浪無天淨無
限雲山入座來勝地不常人易老好懷能復幾
時開

沈尚志挽詞

春風交蓋記韶顏玉雪高標杳莫攀才合廟廊
終縣邑戚聯豪貴也清閑公能得我形骸外我
亦遊公文子間好事祇今都寂寞忽看丹旂雨
斑斑

書示法林上人

此道從來未決疑紛紛何者是真知靈源政在
忘機地妙法元存不語時說有說無都幻妄觀
心觀性轉支離平生每戒人饒舌強為吾師一
賦詩

寄題金秀才宣最樂堂用車五山韻

塵緣銷落了無餘為向林泉好卜居埵井可容
東海鼈逍遙聊學北溟魚百年濁酒三盃足千
里雲山四壁虛何物巨源能浼我知君不作絕
交書

次韻李東萊子敏見寄

江雲嶺樹久離居，忽得新詩錦不如。
潘陸文才知益妙，嵇劉禮法向來疎。
孤燈每結中宵夢，兩歲曾無一紙書。
更向尊前鬪強健，鬢毛吾已不勝梳。

月沙宅酒席有作

寒天燈燭照黃昏，鐘動嚴城欲閉門。
異禮向來慚始隗，清尊何幸獨留髡。
未將感激酬高義，空自周旋奉緒言。
明日孤舟江海闊，白頭愁絕更堪論。

舟次豆毛浦登中景昇亭次壁上韻

浮生苦樂劇紛然取捨由人不在天
要識世間真富貴試看湖上小神仙
樓前月色半江水門外笛聲何處船
十載奔忙吾欲老肯容風掇片時眠

李判事慎挽詞

休論妙解察璿璣孝友家聲世固稀
綢繆在天終莫詰妻兒無食欲安歸
松楸寂歷迎丹旌風雨淒涼捲素幃
惆悵向來相送地白沙村路掩柴扉

柴扉

君治天文學與余同
住江村故起落及之

次鄭公述湖亭韻

沙村臨水水侵門，獨愛茲亭近白雲。
一鳥去邊天遠大，群山盡處地橫分。
世間得失看棋局，身外悲歡付麴君。
祇許風烟生眼底，竹床梧几了晨曛。

生眼底一作供宴坐

送李判書

尚書朝

燕京

可但朝中屬望勞，向來多士仰仙曹。
行看鼎軸登黃閣，却捧綸音拜赭袍。
霜重薊門秋樹落，雪晴燕塞朔雲高。
定知丹陛趨班日，指點東韓第一豪。

自遣效白樂天

譽毀紛紛奈我何
仰天時復一高歌
歡隨好事年年減
病逐窮愁故故多
濁酒數盃聊獨自
白頭千事已從他
誰人更問揚雄宅
門巷無無雀可羅

李子敏臺山讌集和諸公韻

偶然聯袂出風塵
共是開西舊日人
世事糾紛身欲老
天時搖落鴈初賓
久知上客才無敵
自覺高歌興有神
回首莫看湖外路
別腸還恐轉車輪

子敏將赴
任胡郡

大歲日抱疾有作

誰言此日是佳辰
節序關心更損神
病眼不眠非守歲
貧家無酒可迎春
至今物但存遺俗
行處繁華屬別人
只有窮愁與衰意
一時俱入鬢絲新





